

**Gipuzkoako
Aldizkari
Ofiziala**



**Boletín
Oficial de
Gipuzkoa**

240

2021eko abenduaren 17a, ostirala

1

GIPUZKOAKO LURRALDE HISTORIKOKO XEDAPEN OROKORRAK

GIPUZKOAKO FORU ALDUNDIA

OGASUN ETA FINANTZA DEPARTAMENTUA

653/2021 Foru agindua, abenduaren 1ekoa, zeinaren bidez aldatzen baita 553/2017 Foru Agindua, abenduaren 26koa, «Pertsona fisikoen errentaren gaineko zerga. Lan etekinen, jarduera ekonomikoen etekinen eta sarien gaineko atxikipenak eta konturako sarrerak. Urteko laburpena» izeneko 190 eredu onartu, eta hura aurkezteko moduak eta epeak ezartzen dituena.

Onartu zenetik, abenduaren 26ko 553/2017 Foru Aginduak arautu du 190 ereduaren aurkezpena, zeina honela baitago izendatuta: «Pertsona fisikoen errentaren gaineko zerga. Lan etekinen, jarduera ekonomikoen etekinen eta sarien gaineko atxikipenak eta konturako sarrerak. Urteko laburpena».

Foru agindu horrek sarritan izan ditu aldaketak, betiere zergaren unean uneko araudira egokitu eta informazioa eraginkortasunez emango dela ziurtatzeko.

Arrazoi hori bera dela eta, orain beharrezko ikusi da 190 ereduan jasotzen diren ordainketen L gakoari dagozkion zenbait azpigako aldatzea, ondoren azaltzen denaren arabera.

Apirilaren 24ko 1/2020 Foru Arauak, Europako zuzentarauen transposizioarekin lotutako zerga aldaketa batzuk ekarri eta beste zenbait aldaketa tekniko sartzan dituenak, familia prestazioen salbuespena birdefinitu zuen, eta jaiotzagatik eta adingabearen zaintzagatik araututako prestazioei bularreko haurrak zaintzeko erantzunkidetasunagatik sortutakoa gehitu zien. Horregatik, beharrezkoa da 08 eta 27 azpigakoak egokitzea, prestazio horiei buruzko informazioa ematea errazteko.

22 azpigakotik kanpo uzten dira gizarteratzeko gutxieneko errenta gisa administrazio publikoek ezartzen dituzten prestazio ekonomikoak, eta horiek 28 azpigakoan adierazi beharko dira. Horrela, aurrerantzean, diru-sarrerak bermatzeko errenta bezalako prestazioak 28 gakoarekin informatuko dira, eta ez 22 gakoarekin orain arte bezala.

Lurraldean arteko informazio fluxua eta haien koordinazioa errazte aldera, 43 azpigakoa ezabatzen da, eta haren edukari 29 azpigakoa esleitzen zaio. Orobat, 28 azpigakoaren oraingo edukia 30 azpigakoaz zenbakitzen da.

Azkenik, ordainketei buruzko erregistroan, aldaketak sartzen dira «Lanerako ezintasunetik eratorritako gauza bidezko ordainketak» eremuan, lanerako ezintasunagatik Gizarte Segurantzak edo beste edozein entitate edo enpresak gauzen bidez emandako ordainketen informazioa behar bezala identifikatzeko.

Horrenbestez, hau

XEDATZEN DUT

Artikulu bakarra. Aldatzea 553/2017 Foru Agindua, abenduaren 26koa, «Pertsona fisikoen errentaren gaineko zerga. Lan etekinen, jarduera ekonomikoen etekinen eta sarien gaineko atxikipeak eta konturako sarrerak. Urteko laburpena» izeneko 190 eredia onartu eta haren aurkezpen moduak eta epeak ezartzen dituena.

Honela aldatzen da abenduaren 26ko 553/2017 Foru Agindua, «Pertsona fisikoen errentaren gaineko zerga. Lan etekinen, jarduera ekonomikoen etekinen eta sarien gaineko atxikipeak eta konturako sarrerak. Urteko laburpena» izeneko 190 eredia onartu eta haren aurkezpen moduak eta epeak ezartzen dituena:

Bat. I. eranskinaren orde, foru agindu honen eranskina ezartzen da.

Bi. Aldaketak sartzen dira L gakoari dagokion «Azpigakoa» eremuaren edukian. Eremu hori II. eranskinean ageri da, 190 erediari buruz jasotzen diren diseinu logikoetako 2. motako erregistroan (jasotako ordainketen erregistroan), 79-80 posizioetan, eta honela geratzen da idatzita:

a) 08, 22, 27 eta 28 azpigakoen deskribapenak jarraian adierazten den eran berridazten dira, eta 28 azpigakoaren egungo deskribapena 30 azpigako gisa zenbakitzen da:

«08: PFEZaren Foru Arauaren 9.12 artikulua arabera salbuetsita dauden prestazioak, pentsioak eta hartzeko pasiboak, honako hauek kanpoan utzita: jaiotzagatik, adingabearen zaintzagatik eta bularreko haurrak zaintzeko erantzunkidetasunagatik ezarritako prestazio salbuetsiak, eta bizitzeko gutxieneko diru-sarreraren ondorioz jasotakoak, hurrenez hurren, 27 eta 29 azpigakoetan adierazi beharrekoak.»

«22: Lurralde administrazio publikoek emandako laguntza ekonomikoak, PFEZaren foru arauko 9.27 artikulua eta zergaren Erregelamenduko 12. artikulua ezarritakoarengatik salbuetsiak, gizarteratzeko gutxieneko errenta gisa administrazio publikoek ezarritako prestazio ekonomikoak sartu gabe, horiek 28 azpigakoan adierazi beharko baitira.»

«27: Jaiotzagatik eta adingabearen zaintzagatik ematen diren prestazioak eta bularreko haurrak zaintzeko erantzunkidetasunagatik emandakoak, PFEZetik salbuetsiak.

28: Gizarteratzeko gutxieneko errenta gisa administrazio publikoek ezarritako prestazio ekonomikoak, gabetuta dauden pertsonen bizirauteko baliabide ekonomikoak bermatzekoak, gainerako laguntza salbuetsiak kanpoan utzita, horiek 22 azpigakoan adierazi beharko baitira.»

b) 43. azpigakoa ezabatzen da, eta haren edukia 29. azpigako gisa zenbakitzen da.

Hiru. Aldaketak sartzen dira «Lanerako ezintasunetik eratorritako gauza bidezko ordainketak» eremuaren edukian. Eremu hori II. eranskinean ageri da, 190 ereduari buruz jasotzen diren diseinu logikoetako 2. motako erregistroan (jasotako ordainketen erregistroan), 282-321 posizioetan, eta honela geratzen da idatzita:

«— Posizioak: 282-321.

Izaera: Alfnumerikoa.

Eremuen azalpena: Lanerako ezintasunetik eratorritako gauza bidezko ordainketak.

A eta B01 gakoeti dagozkien ordainketetarako bakarrik.

Eremu hau lautan banatzen da:

282: Lanerako ezintasunetik eratorritako gauza bidezko ordainketaren zeinua. Eremu hau beteko da jasotako ordainketak jasotzaileak ekitaldian itzuli dituenean aurreko ekitaldietan bidegabeki edo soberan jasotako diru kopuruak izateagatik. Kasu horretan, «N» bat jarriko da; beste edozein kasutan, eremu honen edukia zuriune bat izango da.

283-295: Lanerako ezintasunetik eratorritako gauza bidezko ordainketaren balorazioa.

13 posizioko eremu numerikoa.

Baldin eta, Gizarte Segurantzarekin sinatutako lankidetzaren hitzarmenari jarraituta (lankidetzaren hori borondatezkoa edo nahitaezkoa izan), enplegatzaileak gauza bidezko ez-ohiko prestazioak ordaindu baditu lanerako ezintasunagatik, eremu honetan jarriko da, zeinurik eta koma hamartarrik gabe, dena delako ekitaldian lanerako ezintasunagatik gauzen bidez egindako ordainketei dagozkien balorazioen batura; balorazio horiek Pertsona Fisikoen Errentaren gaineko Zergari buruzko Foru Arauaren 60. artikuluan xedatutakoaren arabera kalkulatu dira, konturako sarreraren zenbatekoa inoiz ere sartu gabe. «Ordainketa gakoa» eremuan A gakoa jarriko da.

Zenbatekoak eurotan adierazi behar dira.

Eremu hau bitan banatzen da:

283-293: Zati osoa. Balorazioaren zenbatekoaren zati osoa. Edukirik ez badu, zeroak jarriko dira.

294-295: Zati hamartarra. Balorazioaren zenbatekoaren zati hamartarra. Edukirik ez badu, zeroak jarriko dira.

296-308: Lanerako ezintasunetik eratorritako gauzazko prestazioengatik egin diren konturako sarrerak: 13 posizioko eremu numerikoa. Zeinurik eta koma hamartarrik gabe jarriko da urtean zenbateko konturako sarrera egin duen ordaintzaileak aurreko eremuan adierazitako gauza bidezko ordainketengatik.

Zenbatekoak eurotan adierazi behar dira.

Eremu hau bitan banatzen da:

296-306: Zati osoa. Egindako konturako sarreren zati osoa. Edukirik ez badu, zeroak jarriko dira.

307-308: Zati hamartarra. Egindako konturako sarreren zati hamartarra. Edukirik ez badu, zeroak jarriko dira.

309-321: Lanerako ezintasunetik eratorritako gauza bidezko prestazioengatik jasanarazi diren konturako sarrerak.

13 posizioko eremu numerikoa. Zeinurik eta koma hamartarrik gabe jarriko da zein den lanerako ezintasunetik eratorritako gauza bidezko ordainketen ondorioz ordaintzaileak jasotzaileari jasanarazitako konturako sarreren urteko zenbatekoa.

Zenbatekoak eurotan adierazi behar dira.

Eremu hau bitan banatzen da:

309-319: Jasanarazi diren konturako sarreren zenbatekoaren zati osoa. Edukirik ez badu, zeroak jarriko dira.

320-321: Jasanarazi diren konturako sarreren zenbatekoaren zati hamartarra. Edukirik ez badu, zeroak jarriko dira.»

Azken xedapen bakarra. Indarrean jartzea eta aplikatzea.

Foru agindu hau Gipuzkoako ALDIZKARI OFIZIALEAN argitaratu eta biharamunean jarriko da indarrean, eta 2022an aurkeztuko diren 2021eko aitorpenei aplikatuko zaie lehen aldiz.

Donostia, 2021eko abenduaren 1a.—Jokin Perona Lerchundi, Ogasun eta Finantza Departamentuko foru diputatua.

(7797)

ERANSKINA

